

SIXTVS P. V.



D. FVTVRAM REI MEMORIAM. Cum nos alias, videlicet, sub die tertia Septembris Anni Domini M. D. LXXXVI. quondam Martino Zuria, vt assererebatur, nepoti, & donatario quondam Martini ab Azpilcueta Doctoris Nauarri nuncupati, quod Manuale Confessariorum, & pœnitentium, ac de pœnitentia distinct. prima, & de horis canonicis, necnon Miscellanea de oratione, & de redditibus Ecclesiasticis, ac de Regularibus, præterea de Iudicijs, necnon de Iubilæo, ac de Iudæis, & de spolijs clericorum, & de restitutione spoliatorum, ac de vsuris, & de finibus humanorum actuum, & in cap. inter verba, & in cap. humanæ aures, & de datis & promissis, ac de rescriptis, opera dicti Martini sæpe fuerunt impressa, & ad publicam studiosorum vtilitatem de nouo imprimenda vnâ cum Consilijs, & responsis, & lecturis in varios titulos Iuris Pontificij operibus ipsius quondam Martini nondum impressis in tomos redigenda imprimere intendenti priuilegium impressorium ad Decennium per quasdam nostras in forma Breuis confectas literas concesserimus. Et, sicut accepimus, ex donatione dicti Doctoris Martini dictus Martinus Zuria, & Franciscus Ramirez pro labore in prosecutione impressiois percipien. ex emolumentis operum prædictorum duas quartas partes, & dilectus filius Michael de Azpilcueta eiusdem Doctoris Martini nepos, & paternæ domus, ac familiæ de Azpilcueta hæres alias duas partes pro distribuendis illarum emolumentis inter pauperes consanguineos dictæ familiæ, cum dictus Franciscus Ramirez ante dicti Doctoris Martini obitum ab humanis migrauerit, percipere debuerint, ac de iuribus dicti Michaelis in dictis literis mentio nulla facta extiterit, & postmodum cum dicta opera imprimi duntaxat cœpta, & non finita extitissent, & c. & demum partem eorundem operum ipsum Martinum Zuria tangentem dicto Michaeli concessimus. Ipseque Michael opera prædicta in lucem edere intendat. Nos propterea Motu proprio, & ex certâ nostra scientia, omnibus, & singulis vtriusque sexus personis, præsertim Bibliopolis, & librorum impressoribus tam in Vrbe, quam in reliquis terris Sanctæ Romanæ Ecclesiæ mediate, vel immediate subiectis in virtute sanctæ obedientiæ, & sub mille ducatorum auri de Camera eidem Cameræ Apostolicæ applican. & insuper amissionis librorum, & excommunicationis maioris latæ sententiæ pœnis toties ipso facto, & absque vlla declaratione incurrendis, quoties contra factum fuerit, ne durante Decennio proximo à die impressio- nis nouæ dictorum operum, ipsa opera, quæ à dilectis filijs Vicario Vr-